

A.D. 1330.

ita quod residuum ultra sustentacionem et onera predicta in usus fabrice, etc., statuto predicto non obstante; nolentes quod predicti decanus et capitulum, etc., aut prefatus custos ratione premissorum seu statuti predicti per nos vel heredes nostros, justiciarios, escaetores, vicecomites, aut alios ballivos seu ministros nostros quoscumque inde occasionentur, molestentur in aliquo, seu graventur. In ejus rei testimonium has litteras nostras fieri fecimus patentes. Teste me ipso apud Wodestok, vicesimo die Martis anno regni nostri quarto.

1332.

The prior and canons of Wormesley pledge themselves under a heavy penalty that one of their number shall celebrate mass daily for the souls of their benefactors, Nicholas of Reygate, late canon of Hereford, and William de Breinton, late rector of Mordiford.

Universis, etc., frater Willelmus, prior de Wormesleye, ceterique fratres ibidem degentes, facientes collegium seu conventum, salutem, etc. Obsequium Deo acceptum tociens impendere credimus quo- ciens oracionum suffragia Christi fidelibus et maxime domus nostre benefactoribus devocius impartimur. Intuentes siquidem zelum dilectionis quem gerebat bone memorie dominus Nicholas de Reygate, quondam thesaurarius in ecclesia Herefordensi, et Willelmus de Breyntone, rector ecclesie de Mordiford, dum hic in humanis agebant, nostris domui et ecclesie de Wormesleye, nostrisque predecessoribus et nobis multiplicita beneficia alia per eosdem munifice errogata; volentes eisdem dominis Nicholao et Willelmo rependere vicem gratam et antidota,¹ ut tenemur, tractatu solemppni habito ac eciam diligenti qui requiritur in hac parte, pro apparenti utilitate ac necessitate domus nostre et ecclesie evidenti, de communi et unanimi consensu nostro volumus, con- cedimus, et ordinamus pro nobis et successoribus nostris im- perpetuum, quod frater Johannes de Avenebury, noster con- canonicus atque frater, non obstante sua professione qua ad sanctissimi patris nostri Augustini regulam est astrictus, ad celebracionem cotidianam divinorum pro eisdem Nicholao et Willelmo eorumque parentibus et benefactoribus, et omnibus aliis fidelibus, vivis et defunctis, specialiter singulis diebus, quoad vixerit, corporali sacramento prestito obligetur in nostra ecclesia de Wormesleye fideliter peragendum. Et post decepsum ipsius

¹—In MS. antitoda.

A.D. 1332.

fratris Johannis, seu perpetuam et notabilem ipsius corporis impotenciam, quando de ipsius convalescencia desperetur, per alium ydoneum fratrem nostrum quem ad hoc duxerimus eligendum venerabilibus et discretis viris, dominis decano et capitulo ecclesie Herefordensis, vel in ipsius domini decani absencia, ebdomadario et capitulo, per nos ac nostros successores successive presentandum, celebrare faciemus divina pro eisdem dominis Nicholao et Willelmo perpetuis futuris temporibus, sicuti superius est expressum. Qui quidem per nos sic presentatus dominis decano et capitulo corporale prestabit sacramentum in dicto capitulo quod plenarie divinum officium pro predictis Nicholao et Willelmo de diebus in dies fideliter adimplebit, in quantum humana fragilitas hoc permittit. Quod si unum de confratribus nostris post alterius obitum, seu ipsius corporis notabilem impotenciam, per unum mensem vel per plures distulerimus aut distulerint presentare, volumus et promittimus pro nobis et successoribus nostris pro unoquoque mense sic effluxo et divinorum officio non completo centum solidos persolvere sterlingorum eisdem decano et capitulo fabrice Herefordensis ecclesie convertendos. Ad quam quidem celebracionem divinorum peneque pecuniarie in eventum, si contigerit, solucionem, obligamus nos, ecclesiam nostram, successores nostros, et omnia bona nostra, cohercioni et districcioni cujuscumque judicis ecclesiastici seu mundani; dantes insuper et concedentes pro nobis, etc., licenciam venerabili in Christo patri, domino Dei gracia episcopo Herefordensi, et ejus officiali qui pro tempore fuerit, seu eciam dictis decano et capitulo, aliive judici cuicunque per eosdem deputato, quod possit ad instanciam eorundem, sine qualibet citacione aut strepitu judiciali et sine onere alicujus probacionis, nos priorem et ceteros concanonicos, etc., per sentenciam suspensionis a divinis et ecclesiam nostram de Wormesleye et omnes nostras ecclesias parochiales, quas appropriatas habemus in diocesi Herefordensi, ecclesiastico supponere interdicto usque ad plenariam satisfacionem de dampnis et expensis dicti divini officii non peracti et dicte pene pecuniarie non solute, si in divinorum, quod absit, cessaverimus celebratione aut pene pecuniarie soluzione. In quorum testimonium, etc. Datum in capitulo nostro apud Wormesleye, xxvi^o die mensis Marcii, anno Domini millesimo trecentesimo tricesimo secundo.